

Hóplíftrygging vegna veðlána Íslandsbanka

Vátryggingarskilmálar nr. LI51

Um vátrygginguna gilda:

- Vátryggingarskírteinið ásamt áritunum og sérskilmálum.
- Skilmálar þessir nr. LI51
- Lög um vátryggingarsamninga nr. 30/2004.

Ákvæði í vátryggingarskírteini eða endurnýjunarkvittun ganga framur ákvæðum í skilmálum. Ákvæði í vátryggingarskírteini, endurnýjunarkvittun og skilmálum ganga framur frávikjanlegum lagaákvæðum.

Efnisyfirlit:

1. Vátryggður
2. Réttahafar
3. Vátryggingin gildir
4. Upphaf og lok ábyrgðar
5. Réttur til að viðhalda líftryggingu
6. Bótasvið
7. Vátryggingarfjárhæð
8. Upplýsingaskylda við gerð vátryggingarsamnings
9. Skyldur vátryggingartaka
10. Útreikningur iðgjalds
11. Greiðsla iðgjalds
12. Endurgreiðsla iðgjalds
13. Skuldajöfnun
14. Uppsögn á vátryggingartímabili
15. Tilkynning um vátryggingaratburð
16. Upplýsingaskylda við uppgjör bóta
17. Svíksamleg háttsemi
18. Krafa um bætur
19. Vextir af bótafjárhæð
20. Breyting á skilmálum á vátryggingartímabili
21. Fyrning
22. Endurkaup
23. Veðsetning
24. Framsal
25. Tilkynning um aðsetursskipti
26. Gjaldmiðill
27. Meðferð ágreiningsmála
28. Varnarþing

Inngangur

Líftrygging þessi er hóplíftrygging byggð á samningi Íslandsbanka (vátryggingataka) við Líftryggingafélag Íslands hf. vegna veðlána.

1. Vátryggður

Vátryggður er sá sem hefur undirritað hjá Íslandsbanka beiðni um lánatryggingu Íslandsbanka.

2. Réttahafar

Réttahafi bóta er vátryggingartaki (Íslandsbanki), enda skal líftryggingarfjárhæðinni ráðstafað til uppgreiðslu eða lækkunar á höfuðstól þess veðláns sem vátryggingartaki hefur veitt vátryggðum, sbr. tilgreint/tilgreind lánsnúmer í umsókn/upplýstu samþykki fyrir lánatryggingu Íslandsbanka.

Verði líftryggingarfjárhæðin á tjónsdegi hærri en höfuðstóll veðláns ásamt vöxtum og verðbótum eru lögerfingjar réttahafar þess mismunar sem kann að verða á líftryggingarfjárhæðinni og höfuðstóli veðlánsins ásamt vöxtum og verðbótum.

3. Vátryggingin gildir

Vátryggingin gildir hvar sem er í heiminum.

4. Upphaf og lok ábyrgðar

4.1 Vátryggingin tekur gildi vegna hvers vátryggðs kl. 0.00 daginn eftir að hann hefur undirritað skriflega umsókn hjá Íslandsbanka vegna lánatryggingarinnar.

4.1.1 Vátryggingin tekur þó aldrei gildi fyrr en kl. 0.00 daginn eftir útgreiðsludag veðláns hjá Íslandsbanka.

4.2 Vátryggingin gildir til kl. 24.00 þann dag sem tilgreindur er sem lokadagur í vátryggingarskírteini eða endurnýjunarkvittun, eða þann dag sem vátryggingu lýkur, ef það er fyrir upphaflega ákveðinn lokadag, nema um annað sé samið.

4.3 Ef vátryggingunni er sagt upp, hún ekki endurnýjuð eða fellur úr gildi vegna vanskila vátryggingartaka, fellur hún úr gildi gagnvart vátryggðum einum mánuði eftir að félagið eða vátryggingartaki sendi tilkynningu til vátryggðs um brottfall hennar.

4.4 Vátryggingin fellur úr gildi þegar vátryggður nær 70 ára aldri.

5. Réttur til að viðhalda líftryggingu

- 5.1 Þegar hóplíftryggingu lýkur eða vátryggður hættir í hóp sem vátryggingin tekur til, af annarri ástæðu en vegna aldurs, hefur hann rétt til þess að halda líftryggingunni áfram með einstaklingsbundnum iðgjaldautreikningi í samræmi við 132. gr. laga um vátryggingasamninga nr. 30/2004.
- 5.1.1 Vátryggðum skal með skriflegum eða öðrum fullnægjandi hætti tilkynnt um rétt sinn skv. grein 5.1.
- 5.2 Vilji vátryggður nýta sér þennan rétt skal hann gera það innan þriggja mánaða eftir að ábyrgð félagsins fellur niður samkvæmt hópvátryggingunni.

6. Bótasvið

- 6.1 Félagið greiðir bætur vegna andláts vátryggðs.
- 6.2 Hafi vátryggður framið sjálfsvíg ber félagið ábyrgð ef meira en ár hefur liðið frá því að ábyrgð þess hófst eða telja má sannað að vátryggingin hafi verið tekin án þess að sjálfsvíg hafi verið haft í huga.

7. Vátryggingarfjárhæð

- 7.1 Vátryggingarfjárhæð kemur fram á vátryggingarskírteini eða endurnýjunarkvittun.
- 7.2 Vátryggingarfjárhæðin hækkar 1. janúar ár hvert til samræmis við breytingu á vísitölu neysluverðs. Lækki vísitala neysluverðs hefur það ekki áhrif til lækkunar á vátryggingarfjárhæð.
- 7.2.1 Vátryggingarfjárhæðin getur þó aldrei orðið hærri en eftirstöðvar veðláns með verðbótum 1. janúar ár hvert.

8. Upplýsingaskylda við gerð vátryggingarsamnings

- 8.1 Vátryggingartaki, eða eftir atvikum vátryggður, skal veita félaginu þær upplýsingar sem það óskar eftir við gerð vátryggingarsamnings. Að auki ber þeim að eigin frumkvæði að veita félaginu upplýsingar um sérstök atvik sem þeir vita, eða mega vita, að hafa verulega þýðingu fyrir mat félagsins á áhættu.
- 8.2 Hafi vátryggingartaki eða vátryggður svíksamlega vanrækt upplýsingaskyldu sína ber félagið ekki ábyrgð.
- 8.3 Hafi vátryggingartaki eða vátryggður vanrækt upplýsingaskyldu sína í þeim mæli að ekki telst óverulegt getur ábyrgð félagsins fallið niður í heild eða að hluta.

9. Skyldur vátryggingartaka

- 9.1 Vátryggingartaki skal halda skrá yfir vátryggða sem falla undir vátrygginguna.
- 9.2 Vátryggingartaki skal sjá til þess án ástæðulauss dráttar að vátryggðir fái afrit af vátryggingarskírteini og skilmálum þessum.
- 9.3 Vátryggingartaki skal senda vátryggðum sem falla undir vátrygginguna skriflega tilkynningu um brottfall vátryggingar um leið og vátryggður fellur ekki lengur undir vátryggingaverndina.
- 9.4 Greinar 9.1 til 9.3 gilda nema annað komi fram í samningi vátryggingartaka við félagið.

10. Útreikningur iðgjalds

- 10.1 Iðgjald vátryggingarinnar ákvarðast af aldri vátryggðs.
- 10.2 Iðgjald vátryggingarinnar breytist við endurnýjun í hlutfalli við breytingu á vísitölu neysluverðs.

11. Greiðsla iðgjalds

- 11.1 Iðgjald fyrir vátrygginguna fellur í gjalddaga þegar greiðsla þess er krafist.
- 11.2 Vanskil á greiðslu iðgjalds geta valdið réttindamissi og niðurfellingu vátryggingarsamnings, sbr. 96. gr. laga um vátryggingarsamninga nr. 30/2004.
- 11.3 Hafi ábyrgð félagsins fallið niður vegna vanskila eftir að iðgjald hefur verið greitt fyrir eitt ár hið minnsta má endurvekja vátrygginguna sem hreina áhættulíftryggingu án þess að nýjar heilsufarsupplýsingar komi til ef vangoldið iðgjald er greitt innan þriggja mánaða frá því að vátryggingin féll niður.

12. Endurgreiðsla iðgjalds

Falli vátryggingarsamningur úr gildi áður en vátryggingartímabili lýkur endurgreiðir félagið iðgjald í hlutfalli við þann tíma sem iðgjald hefur verið greitt fyrir og vátryggingin er ekki í gildi. Þetta gildir þó ekki ef vátryggingarsamningur hefur fallið úr gildi vegna þess að félagið hefur fullnægt skyldum sínum með því að greiða dánarbætur.

13. Skuldajöfnun

Félagið hefur heimild til að skuldajafna vangoldnu iðgjaldi gegn váttryggingarbótum sem því ber að greiða, sbr. 122. gr. laga um váttryggingarsamninga nr. 30/2004.

14. Uppsögn á váttryggingartímabili

14.1 Félagið getur sagt upp váttryggingunni:

14.1.1 Með 14 daga fyrirvara ef veittar eru rangar eða ófullnægjandi upplýsingar um váttryggða áhættu, sbr. 84. gr. laga um váttryggingarsamninga nr. 30/2004.

14.1.2 Fyrirvaralaust ef váttryggingartaki hefur sviksamlega vanrækt upplýsingaskyldu sína um váttryggða áhættu, sbr. 84. gr. laga um váttryggingarsamninga nr. 30/2004.

14.2 Félagið getur sagt upp öllum váttryggingarsamningum sem það hefur gert við váttryggingartaka ef hann hefur sviksamlega vanrækt upplýsingaskyldu sína.

14.3 Váttryggingartaki getur slitið váttryggingarsamningi hvenær sem er með skriflegri uppsögn.

15. Tilkynning um váttryggingaratburð

Þegar váttryggingaratburður hefur orðið skal réttthafi skýra félaginu frá því án ástæðulauss dráttar.

16. Upplýsingaskylda við uppgjör bóta

16.1 Við uppgjör bóta skal váttryggður eða sá sem á kröfu á hendur félaginu veita því upplýsingar og afhenda gögn sem hann hefur aðgang að og félagið þarf til þess að meta ábyrgð sína og greiða bætur.

16.2 Ef váttryggður, eða sá sem á kröfu á hendur félaginu, veitir af ásetningi rangar eða ófullnægjandi upplýsingar sem hann veit eða má vita að leiða til þess að hann fær greiddar bætur sem hann á ekki rétt til fellur niður allur réttur hans samkvæmt þessum og öðrum váttryggingarsamningum vegna hins tiltekna váttryggingaratburðar. Við sérstakar aðstæður getur váttryggður, eða sá sem á kröfu á hendur félaginu þó átt rétt til bóta að hluta, sbr. 2. mgr. 120. gr. laga um váttryggingarsamninga nr. 30/2004.

17. Sviksamleg háttsemi

Sá sem viðhefur sviksamlega háttsemi gagnvart félaginu missir allan rétt samkvæmt váttryggingarsamningi. Sé um fleiri váttryggingarsamninga að ræða getur hann einnig

misst rétt til bóta samkvæmt þeim vegna sama váttryggingaratburðar, sbr. 83. og 120. gr. laga um váttryggingarsamninga nr. 30/2004.

18. Krafa um bætur

Váttryggður, eða sá sem á rétt til bóta, getur krafist greiðslu bóta 14 dögum eftir að félagið átti þess kost að afla þeirra gagna sem þörf var á til þess að kanna ábyrgð sína og ákveða fjárhæð bótanna, sbr. 121. gr. laga um váttryggingarsamninga nr. 30/2004.

19. Vextir af bótafjárhæð

Réttur til vaxta af bótafjárhæð er í samræmi við ákvæði 123. gr. laga um váttryggingarsamninga nr. 30/2004.

20. Breyting á skilmálum á váttryggingartímabili

Félaginu er heimilt að breyta skilmálum þessum og iðgjaldi váttryggingarinnar á váttryggingartímabili, sbr. 133. gr. laga um váttryggingarsamninga nr. 30/2004.

21. Fyrning

Krafa um váttryggingarfjárhæð fyrnist á 10 árum. Fresturinn hefst við lok þess almanaksárs þegar sá er kröfuna á fékk nauðsynlegar upplýsingar um þau atvik sem krafa hans er reist á. Krafan fyrnist þó í síðasta lagi á 20 árum eftir lok þess almanaksárs sem váttryggingaratburður varð.

22. Endurkaup

Váttrygging þessi hefur ekki endurkaupsverð.

23. Veðsetning

Óheimilt er að veðsetja rétt samkvæmt hóplíftryggingu þessari.

24. Framsal

Heimilt er að framselja réttindi samkvæmt váttryggingu þessari, sbr. 138. gr. laga um váttryggingarsamninga nr. 30/2004. Framsalið ber að tilkynna félaginu sem skráir það í líftryggingaskrá.

25. Tilkynning um aðsetursskipti

Vátryggingartaki skal tilkynna félaginu tafarlaust ef hann flyst búferlum.

26. Gjaldmiðill

Allar fjárhæðir er varða vátryggingarsamning þennan eru í íslenskum krónum (ISK) nema annað leiði af lögum eða um sé samið sérstaklega.

27. Meðferð ágreiningsmála

27.1 Heimilt er að leggja ágreining við félagið fyrir Úrskurðarnefnd í vátryggingarmálum skv. lögum um vátryggingarsamninga nr. 30/2004.

27.2 Úrskurðum Úrskurðarnefndar í vátryggingamálum má skjóta til dómstóla.

28. Persónuvernd og meðferð persónuupplýsinga

Félagið leggur ríka áherslu á öryggi við vinnslu persónuupplýsinga. Starfsfólk félagsins er bundið þagnar-og trúnaðarskyldu við hvers konar vinnslu persónuupplýsinga og öll vinnsla félagsins á persónuupplýsingum fer fram í samræmi við lög 90/2018 um persónuvernd og vinnslu persónuupplýsinga og reglum settum samkvæmt þeim. Í reglum um vinnslu persónuupplýsinga á heimasíðu félagsins, vis.is er að finna nánari upplýsingar um vinnsluna, þ.á.m. um það hvaða persónuupplýsingum félagið safnar, í hvaða tilgangi og á grundvelli hvaða heimilda, hversu lengi upplýsingarnar eru varðveittar og hvaða réttindi viðskiptavinir hafa varðandi vinnslu VÍS á slíkum upplýsingum.

29. Varnarþing

Heimili félagsins og varnarþing er í Reykjavík. Mál sem rísa út af vátryggingu þessari skulu rekin fyrir Héraðsdómi Reykjavíkur, nema annað leiði af þjóðréttarsamningum sem Ísland er bundið af.

Vátryggingarskilmálar þessir gilda frá 18.10.2018

Vátryggjandi er Líftryggingafélag Íslands hf.